

que ante medium sat æquali, dimidio basali cunei, coxis posticis, trochanteribus, extremo apice femorum, tibiis tarsisque flavo-testaceis; antennarum articulo primo capite a latere viso saltem  $1\frac{1}{5}$  brevior, secundo primo duplo longiore et hoc tenuiore, subtilissime pallido-pubescente; rostro picco. — Long.  $3\frac{1}{2}$  mill. — Corozal.

Præcedenti minor, antennis aliter coloratis, constructis et pubescentibus, cunco basi latius pallido femoribusque extremo apice excepto fusco-nigris divergens.

#### Divisio MIRARIA Reut.

**Dolichomiris** Reut. Ad cogn. Heter. Africæ occid. (in Oefvers. Finska. Vet. Soc. Foerh., XXV), p. 30, 59.

Corpus valde elongatum, parallelum, glabriusculum; capite porrecto, horizontali, latitudine multo longiore, a latere viso fere parallelogrammico et altitudine duplo longiore, vertice sulco distincto, fronte apice acutangulariter prominulo ultra basin clypei breviter producto, clypeo fortiter prominente, margine apicali retrorsum vergente; rostro articulo primo longitudine capitis; antennis corpore longioribus, articulo primo pronoto capitique usque ad basin clypei longitudine æquali vel sub-æquali, primo toto basique secundi dense pilosis, hoc basin versus incrassato; pronoto scutelloque impunctatis, illo latitudine basali longiore, lateribus acutis, antice marginatis, basi profunde sinuata; scutello pronoti longitudine, basi detecta utrinque carina transversa vel obliqua; femoribus linearibus, tibiis anterioribus interne spinulosis, posticis spinulis destitutis, dense longe et molliter pilosis. A Nostotira Fieb. fronte apice integra solum basin clypei tegente divergens.

3. **D. tibialis**, n. sp. — Pallide flavens, nitidulus, atomis plerumque seriatis articuli primi antennarum, linea marginis apicalis clypei, linea media longitudinali capitis lineisque duabus longitudinalibus mediis valde appropinquatis pronoti et scutelli, vitta utrinque laterali per caput et pronotum ducta ab oculis interrupta, vitta per latera capitis, pectoris et ventris ducta tibiisque posticis cum tarsis coccineis vel ad partem fusco-coccineis, tarsis articulo tertio apice fusco; scutello parte basali sulphurescenti, utrinque carina leviter arcuata obliqua; antennis articulo primo dense semiadpressim longe flavo-piloso, articulo secundo primo circiter  $\frac{3}{4}$  longiore,  $\frac{2}{5}$  basalibus dense pilosis, pilis versus apicem sensim brevioribus, tertio secundo adhuc longiore; membrana leviter fumata, iridescente, venis pallidis. — ♀. Long.  $9\frac{2}{5}$  mill. — Colonia Tovar.